



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

09.11.2022

345-um-son

### **Toshkent davlat yuridik universitetida kuz-qish mavsumiga tayyorgarlik ko'rish ishlarini tizimli ravishda tashkil etish to'g'risida**

Toshkent davlat yuridik universitetida kuz-qish mavsumiga tayyorgarlik ko'rish hamda bu borada mavjud muammolarni bartaraf etish, talabalarning yashash sharoitini tizimli o'rganilishini yo'lga qo'yish va ular uchun qo'shimcha shart-sharoitlar yaratish maqsadida

### **BUYURAMAN:**

1. Toshkent davlat yuridik universiteti (bundan buyon matnda – Universitet)da kuz-qish mavsumiga tayyorgarlik ko'rish ishlari yuqori saviyada tashkil etilsin.

Bunda, o'quv va yordamchi binolar, talabalar turar joylari, isitish tarmoqlari, gaz va suv quvurlari hamda elektr tarmoqlarining barqaror ishlashi, talabalar istiqomat qiladigan joylari holatini o'rganish va yaxshilash ishlari tashkil etiladi.

2. Kuz-qish mavsumiga tayyorgarlik ko'rish bo'yicha universitetda shtab tashkil etilsin hamda shtat tarkibi ilovaga muvofiq tasdiqlansin.

3. Shtab (A.Xashimhonov, A.Iminov):

ikki kun muddatda universitetning barcha obyektlari holatini tanqidiy o'rganib holatini tahlil qilsin;

o'rganish natijlari yuzasidan aniqlangan kamchiliklarni bartaraf etish bo'yicha muddatli chora-tadbirlar rejasi ishlab chiqilib, ijrosi bir hafta muddatda bajaralishini nazorat qilsin;

mutasaddi tashkilot vakillarini jalb qilgan holda universitetda xodim va talabalar uchun is gazidan zaharlanish, gaz-havo aralashmasi chaqnashini oldini olish va ogohlantirish bo'yicha tegishli tadbirlarni amalga oshirilishini nazoratga olsin;

o'quv binolari, talabalar turar joylari, sport zal va boshqa yordamchi binolarning deraza oynalari butunligini ko'rib chiqib, bir qavatli oynalarni ikki qavatli oynalarga, yaroqsiz dereza va romlarni yangisiga almashtirish

shuningdek, dereza tirqishlari yelimlanib, zarur qoplamalar bilan berkitilishini nazorat qilsin;

talabalar holidan xabar olish va yashash sharoitlarini yaxshilash maqsadida ijarada yashayotgan talabalar xonadoniga borib, yashash sharoitini o'rganish, ushbu xonadonlarni kuz-qish mavsumiga tayyorgarligini tahlil qilish hamda yashash sharoiti yaxshi bo'lmagan xonadonlarda istiqomat qilayotgan talabalarni Talabalar turar joylari (shu jumladan Index majmuasi)ga yoki yashash sharoiti yaxshi bo'lgan boshqa xonadonlarga ko'chirilishini nazoratga olsin.

4. Ekspluatatsiya va ta'mirlash boshqarmasi (I.Bozarov):

Universitetga qarashli binolarda muxandislik kommunikatsiya tizimlari uzluksiz ishlashini ta'minlash maqsadida mas'ul xodimlardan iborat navbatchilik tashkil etilishini ta'minlasin;

binolarda isitish tizimini belgilangan meyorda ishlashini nazoratga olsin;

binolarni kuz-qish mavsumiga tayyorlash bo'yicha tegishli ishlarni tizimli amalga oshirsin.

5. Fakultet dekanlari o'n besh kun muddat ichida ijarada istiqomat qiladigan talabalarning xonadonlariga borib, ularning yashash sharoitlarini o'rgansin va xonadonlarning kuz-qish mavsumiga tayyor ekanligini tahlil qilsin hamda yashash sharoiti yaxshi bo'lmagan xonadonlarda istiqomat qilayotgan talabalarni Talabalar turar joylari (shu jumladan Index majmuasi)ga yoki yashash sharoiti yaxshi bo'lgan boshqa xonadonlarga ko'chirish choralarini ko'rsin.

6. Devonxona (X.Abdullayev) mazkur buyruqni barcha tarkibiy bo'linmalarga yetkazsin.

7. Mazkur buyruq ijrosi nazoratini prorektorlar A.Xashimhonov hamda A.Iminovlar zimmasiga yuklatilsin.

**Rektor**



**A.TASHKULOV**

Toshkent shahar

## **Kiritildi:**

Direktor

SH.PO‘LOTOV



## **Kelishildi:**

Yoshlar masalalari va ma‘naviy-  
ma‘rifiy ishlar bo‘yicha birinchi  
prorektor

A.XASHIMHONOV



Moliya-iqtisod ishlar bo‘yicha  
prorektor

A.IMINOV



Devonxona mudiri

X.ABDULLAYEV



yuriskonsult

D.ALIBOYEV



## **Buyruq bilan tanishdim**

SH.PO‘LOTOV

